



UNIVERZITET U ZENICI  
REKTORAT

- SENAT -

Broj: 01-02-1-4461/19.

Zenica, 28.11.2019. godine

Na osnovu člana 53. stav (2) tačka b) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19), člana 19.a stav 2. alineja 3. Zakona o JU Univerzitet u Zenici – Prečišćeni tekst - („Službene novine Zeničko-dobojskog kantona“, broj: 1/18 i 10/18), člana 63. stav (2) tačka c) Statuta Univerziteta u Zenici (Prečišćeni tekst), Senat Univerziteta u Zenici je na svojoj 09. sjednici održanoj 28.11.2019. godine, donio

**ODLUKU**

**o usvajanju Pravilnika o ekvivalenciji ranije stečenih akademskih titula, naučnih ili stručnih zvanja i ekvivalenciji ranije položenih ispita za potrebe nastavka obrazovanja na Univerzitetu u Zenici**

**Član 1.**

Ovom Odlukom usvaja se Pravilnik o ekvivalenciji ranije stečenih akademskih titula, naučnih ili stručnih zvanja i ekvivalenciji ranije položenih ispita za potrebe nastavka obrazovanja na Univerzitetu u Zenici.

**Član 2.**

Sastavni dio ove Odluke čini Pravilnik o ekvivalenciji ranije stečenih akademskih titula, naučnih ili stručnih zvanja i ekvivalenciji ranije položenih ispita za potrebe nastavka obrazovanja na Univerzitetu u Zenici.

**Član 3.**

Odluka stupa na snagu danom donošenja.

Dostavljeno:

8x Fakulteti

1x Rektor

4x Prorektori

1x Služba za pravne, kadrovske i opšte poslove


1x Služba za ekonomsko-finansijske poslove

1x a/a

ZAMJENIK  
PREDSJEDAVAJUĆEG SENATA

*Alaudin Brkić*

Doc.dr.sc. Alaudin Brkić





## JU UNIVERZITET U ZENICI

**Pravilnik o ekvivalenciji ranije stečenih akademskih titula  
naučnih ili stručnih zvanja i ekvivalenciji ranije položenih ispita  
za potrebe nastavka obrazovanja na Univerzitetu u Zenici**

Zenica, novembar 2019. godine

Na osnovu člana 53. i člana 150. stav (2) Zakona o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19), člana 19. stav 2. alineja 15. Zakona o javnoj ustanovi Univerzitet u Zenici – Prečišćeni tekst („Službene novine Zeničko-dobojskog kantona“, broj: 1/18 i 10/18), te člana 63. Statuta Univerziteta u Zenici (Prečišćeni tekst), na prijedlog Prorektora za nastavu i studentska pitanja Univerziteta u Zenici, Senat Univerziteta u Zenici, na svojoj 09/19 sjednici održanoj 28.11.2019. godine, donio je

**Pravilnik o ekvivalenciji ranije stečenih akademskih titula  
naučnih ili stručnih zvanja i ekvivalenciji ranije položenih ispita za  
potrebe nastavka obrazovanja na Univerzitetu u Zenici**

**Član 1.**

- (1) Predmet ovog „Pravilnika o ekvivalenciji ranije stečenih akademskih titula, odnosno naučnih i stručnih zvanja za potrebe nastavka obrazovanja na Univerzitetu u Zenici“ (u daljem tekstu „Pravilnik“) je ekvivalencija ranije stečenih akademskih titula, odnosno naučnih i stručnih zvanja, te postupak i kriteriji za vrednovanje ranije stečenog zvanja na Univerzitetu u Zenici ili na drugim visokoškolskim ustanovama u Bosni i Hercegovini (u dalnjem tekstu: BiH), kao i ekvivalencija ispita položenih po pred Bolonjskom modelu studija, a za potrebe nastavka obrazovanja na Univerzitetu u Zenici.
- (2) Predmet Ovog Pravilnika je i ekvivalencija ranije položenih ispita koji su polagani prema pred Bolonjskom modelu studija, a u kojem nisu gradirane cjeline Bolonjskog visokoobrazovnog procesa, odnosno ispita položenih prema propisima koji cikluse studija nisu vrednovali sa ECTS studijskim bodovima.

**Član 2.**

- (1) U smislu ovog Pravilnika ranije stečeno zvanje je ono zvanje koje je stečeno završetkom studija prema pred Bolonjskom modelu studija u kojem nisu gradirane cjeline Bolonjskog visokoobrazovnog procesa, odnosno zvanje stečeno završetkom studija prema propisima koji cikluse studija nisu vrednovali sa ECTS studijskim bodovima.
- (2) U smislu ovog Pravilnika ranije položeni ispiti su oni ispiti koji su položeni tokom studija prema pred Bolonjskom modelu studija, a u kojem nisu gradirane cjeline Bolonjskog visokoobrazovnog procesa, odnosno ispiti položeni prema propisima koji cikluse studija nisu vrednovali sa ECTS studijskim bodovima.

**Član 3.**

- (1) Za postupak ekvivalencije nadležna je organizaciona jedinica Univerziteta, koja organizuje odgovarajući ciklus studija, a na kojoj zainteresovano lice za postupak ekvivalencije konkurira za upis.
- (2) Prilikom razmatranja zahtjeva za ekvivalenciju organizaciona jedinica Univerziteta će primjenjivati relevantne propise i listu akademskih, naučnih i stručnih zvanja koja je na snazi u vrijeme donošenja odluke po zahtjevu.
- (3) Relacija između predbolonjskih i bolonjskih studijskih programa i kvalifikacija je definisana Odlukom o usvajanju Osnova kvalifikacijskog okvira u Bosni i Hercegovini („Službeni glasnik BiH“, broj: 31/11, 28/15).
- (4) Organizaciona jedinica Univerziteta svojom odlukom može utvrditi dodatne i specifične kriterije za vrednovanje ranije stečenog zvanja, polazeći od Osnova kvalifikacijskog

okvira u BiH („Službeni glasnik BiH“, broj: 31/11, 28/15), kao i specifičnih uslova organizacione jedinice.

#### Član 4.

- (1) Postupak ekvivalencije pokreće se na zahtjev za ekvivalenciju ranije stečenog zvanja, odnosno zahtjev za ekvivalenciju ispita položenih po pred Bolonjskom modelu studija, lica koje je podnijelo prijavu za dalji nastavak studija na Univerzitetu u Zenici ( u daljem tekstu „zahtjev“).
- (2) Zahtjev za ekvivalenciju ranije stečenog zvanja ili zahtjev za ekvivalenciju ispita položenih po pred Bolonjskom modelu studija ( u daljem tekstu „zahtjev“) se podnosi organizacionoj jedinici iz čl. 3. (1) ovog Pravilnika.
- (3) Za pripremanje prijedloga o ekvivalenciji naučno-nastavno vijeće organizacione jedinice, na prijedlog dekana, imenuje Komisiju za provođenje postupka ekvivalencije (u dalnjem tekstu: Komisija) od tri do pet članova.
- (4) Komisija za pripremanje prijedloga o ekvivalenciji može biti imenovana kao stalna na period od dvije godine ili kao ad hoc za svaki podneseni zahtjev.
- (5) Rok za rješavanje pojedinačnog zahtjeva je 30 dana od datuma prijema zahtjeva ukoliko je imenovana stalna komisija ili 30 dana od formiranja ad hoc komisije uz uvjet potpune dokumentacije. Ukoliko dokumentacija nije potpuna, podnositelj zahtjeva će biti pisanim putem (elektronskom poštom ili poštom) obaviješten o obavezi dopune iste.
- (6) O zahtjevu se odlučuje uvjerenjem i primjenom pravila Zakona o upravnom postupku(„Službene novine Federacije Bosne i Hercegovine“, br. 2/98 i 48/99).
- (7) Uvjerenje iz prethodne tačke može se koristiti samo u svrhu nastavka daljeg obrazovanja na Univerzitetu u Zenici.

#### Član 5.

- (1) Uz zahtjev je potrebno priloziti sljedeću dokumentaciju:
  - a) original ili ovjerenu fotokopiju diplome visokoškolske kvalifikacije čija se ekvivalencija zahtjeva;
  - b) original ili ovjerenu fotokopiju službenog dokumenta izdatog od fakulteta/akademije koji sadrži podatke o položenim ispitima s ocjenama, sluzbeni naziv i trajanje studijskog programa te uvjete upisa,
  - c) rješenje nadležnog tijela ili fotokopiju vjenčanog lista (osobe koje su promijenile ime i/ili prezime),
  - d) potvrdu o uplati naknade za troškove postupka.
- (2) Visina naknade i oslobođanje od plaćanja naknade za troškove postupka ekvivalencije utvrđuju se odlukom Upravnog odbora Univerziteta na prijedlog Senata Univerziteta.

#### Član 6.

- (1) Komisija za provođenje postupka ekvivalencije (u dalnjem tekstu: Komisija) iz čl. 4. st. 3. ove Odluke utvrđuje sve činjenice i okolnosti bitne za određivanje prijedloga o ekvivalenciji.
- (2) Ukoliko lice koje je podnijelo zahtjev nije u ostavljenom roku dostavilo zatražene dokaze, a bez tih dokaza se ne može utvrditi prijedlog za ekvivalenciju, zahtjev će se kao formalno-pravno neispravan odbaciti.
- (3) Nakon okončanog postupka utvrđivanja uslova za ekvivalenciju Komisija podnosi izvještaj sa prijedlogom naučno-nastavnom vijeću fakulteta.

- (4) Izvještaj sadrži podatke o podnosiocu zahtjeva, studiju koji je završen ili o položenim ispitima, obrazloženje i prijedlog za ekvivalenciju ranije stečenog akademskog zvanja ili položenih ispita, sa odgovarajućim novim akademskim zvanjem.
- (5) Vijeće fakulteta/akademije na osnovu prijedloga Komisije donosi :
- a) odluku o ekvivalenciji ranije stečenog zvanja ili ekvivalenciji položenih ispita,
  - b) odluku o odbijanju ekvivalencije ili
  - c) odluku o ekvivalenciji uz dodatne uvjete.
- (6) Na osnovu odluke o ekvivalenciji ranije stečenog zvanja ili ekvivalenciji položenih ispita organizaciona jedinica izdaje uvjerenje da ranije stečena akademska titula, odnosno naučno i stručno zvanje odgovara nekoj od akademskih titula, naučnih i stručnih zvanja u skladu sa važećim propisima.
- (7) Uvjerenje iz prethodne tačke ovog Pravilnika se izdaje isključivo u svrhu nastavka obrazovanja na Univerzitetu u Zenici i u druge svrhe se ne može koristiti.
- (8) U slučaju da ranije stečena akademska titula odnosno naučno i stručno zvanje ne odgovara nazivu koji se stiče prema važećim propisima zbog razlika u znanju, vještinama i kompetencijama , te zbog bitnih razlika u nastavnom programu, trajanju studija ili drugih razloga, naučno-nastavno vijeće fakulteta može odrediti dodatne obaveze podnosiocu zahtjeva.
- (9) Protiv odluke o ekvivalenciji može se podnijeti prigovor Senatu Univerziteta.
- (10) Odluka Senata po podnijetom prigovoru je konačna.
- (11) Visinu troškova postupka ekvivalencije kao i eventualnih dodatnih obaveza utvrđuje Upravni odbor na prijedlog Senata Univerziteta.

### Član 7.

Ovaj Pravilnik stupa na snagu danom donošenja i bit će objavljen na web stranici Univerziteta.

Broj: 01-02-2-4461/19

Zenica, 28.11.2019. godine



ZAMJENIK  
PREDSJEDAVAJUĆEG SENATA  
*Alaudin Brkić*  
Doc.dr.sc. Alaudin Brkić